



EDITORIAL

## Lubos nga batuan ang pasismo sang rehimeng Duterte

**H**alos lima ka dekada na ang nakalipas sang ipaidalum ni Ferdinand Marcos ang bilog nga pungsod sa layi miltar nga naglunsar sang iya brutal nga paghari nga diktadurya. Sa sulod sang 14 ka tuig, maisog nga nagbato ang pumuluyong Pilipino sa tanan nga patag sang paghimakas.

Napaidalum subong ang pumuluyong Pilipino sa pareho nga pasista nga brutalidad kag kabangisan sa atubang sang indi-deklarado nga layi miltar sang rehimeng Duterte. Ang mga atake batuk sa pumuluyo mas wala-kaluoy kag mas malaparan, partikular sa kadamo sang pagpamatay nga kahimuan sang mga pwersa sang estado.

Ang rehimeng Duterte isa ka pasista nga estado nga may manipis nga tabon. Ginagamit ni Duterte ang halos absoluto nga gahum, gamit ang miltar kag pulis bilang mga armando nga ahente nga manugpatuman sang tanan niya nga dikta. Gamit niya ang antikomunismo kag antiterorismo bilang nagapangbabaw

nga ideolohiya para hatagan-rason ang wala-kaluoy nga atake batuk sa mga sibilyan, sa mga kaaway niya sa pulitika kag tanan nga demokratiko nga pwersa. Ginahatagan sang bug-os nga kontrol ang miltar sa ngalan sang "whole of nation approach" o "bug-os nga pungsod nga pamaagi" sa kontra-insurhensya.

Nagapamuno si Duterte sa isa ka paltik nga demokratiko nga gubyerno. Bangud sang iya nga mga pamaagi nga tiraniko, halos nadulaan na sang kabilangan ang kongreso kag mga korte. Tanan nga demokratiko nga pwersa ginapahipos, gina-pahog, pilit nga ginabalewala, gina-himo nga pasibo kag ginalutos sa isa

## Kagamitan militar, nakumpiska sang BHB-Negros

NAGLUNSAR SANG MADINALAG-ON nga taktikal nga opensiba ang Bagong Hukbong Bayan (BHB)-Negros bilang sabat sa nagasingki nga pagpamigos sang reaksyunaryo nga rehimeng Duterte sa rehiyon.

Sang Agosto 8, 2019, gin-ambus sang BHB-Negros ang mga tropa sang 62nd IB sa Sityo Buryon, Barangay Buenavista, Himamaylan City. Patay sa opensiba si PFC Parenas samtang rarong naman ang pila sa iya mga upisyal kag tropa. Gintabunan liwat sang mga berdugo nga AFP ang tunay nga numero sang kaswalti sa ila nga kubay. Nakumpiska halin sa ila ang siyam ka magasin, mga bala, bakpak kag iban pa nga kagamitan militar.

Antes sini, ginharaas sang mga Pulang hangaway ang detatsment sang AFP sa Barangay Mahalang, Himamaylan sang Agosto 1. Duha

ka todo gera sang pagpamigos.

Isa ka pasista nga demagog o manugloko si Duterte. Ginagamit niya ang popular nga sentimyento kag reklamo sang malapad nga masa para pagwaon nga kabahin siya sa ila. Gusto niya nga kuhaon ang suporta sang pumuluyo kag impluwensyahan ang masa samtang ginapain-dalum ang mga polisiya nga nagapamigos kag nagapaantus sa ila.

Sobra kalain sang ginhimo niya nga pagpangtiko sa kasaysayan, ginatib-on si Marcos bilang baganihan kag ginadayaw ang awtoritaryanismo sa makinaugalingon nga katuyuan nga hatagan-rason ang iya tiraniya kag ambisyon nga diktadurya. Sa pagnombrar sa daku nga numero sang mga daan nga upisyal sang AFP, ginadayaw niya bilang disiplinado kag masaligan ang mga upisyal sang militar, kag ginatabunan ang malaba nila nga kasaysayan sang pag-abuso sa mga tawhanon nga kinamatarung kag pagkadalahig sa mga sindikato nga kriminal kag korapsyon.

Hayag nga ginaganyat ni Duterte ang militar kag pulis nga himuong ang mga ekstrahudisyal nga pagpa-

matay kag pagpanglugs. Hayagan niya nga ginmanduan ang mga pwersa pangseguridad sang estado nga balewalaon ang mga tawhanon nga kinamatarung.

Ang pasismo ni Duterte wala sang latid nga terorista nga paghari sang pinakareaksyunaryo sa kubay sang nagahari nga sahi sang mga daku nga burgesya kumprador, agalon nga mayduta kag burukrata kapitalista sa pungsod. Ginarepresentar ni Duterte ang pinakadalok kag pinakahayop nga bahin sang nagahari nga mga reaksyunaryo. Isa lang ka ugat ang ginalinan nila sang mga Marcos, Arroyo kag iban pa nga pinakamalaot sa korapsyon kag pagpamigos. Ara siya sa putuk-putukan subong sang burukrata-kapitalista nga hagdan kag ginagamit subong ang pasismo para dulaon ang tanan nga nagahangkat kag nagabato.

Ang mga pwersa nga nagasulong sang demokratiko nga interes sang masa nga ginapigos ginadingutan sang lugar sang pasismo ni Duterte. Target nga waskon ang mga militante nga unyon kag organisasyon sang mamumugon, patriyotiko nga grupong estudyante, mga asosasyon

sang mangunguma nga nagasinggit sang tunay nga reforma sa lupa kag iban pa nga demokratiko nga organisasyon. Katuyuan sini para atakehon ang nagkalainlain nga demokratiko nga organisasyon kag pagwaon nga may ara nga suporta sang masa ang iya makangilil-ad nga rehimien.

Ang paggamit sang pasismo sang nagahari nga guban Duterte tanda sang wala sang ikasarang ang reaksyunaryo nga mga sahi nga maghari sa daan nga pamaagi nga ginatabunan sang mga proseso sang burges-demokratiko ang hayagan nga terorismo sang estado. Pareho nga bunga ini sang madalom kag mapintas nga ribalan sa kubay sang mga nagahari nga sahi, kag ang padayon nga nagabaskog nga paghangkat sa ila nga paghari sang organisado nga pagbato sang mga sahi nga pigos kag ginahimuslan. Bisan pa man, labi nga ginapaluya sang pasismo ang nagahari nga estado bangud ginapalala sini ang mga kontradiksyon indi lang sa tunga sang masang pigos kag sang nagahari nga estado, kundi pati sa tunga sang magkaribal nga paksyon sang mga nagahari nga sahi.

Sang 1972, gindeklarar ni Marcos ang layi militar, ginwasak sa isa ka dekreto ang bilog nga nagahari nga sistema nga pangpulitika kag gintukod ang iya nga diktadurya. Sang napukan si Marcos, ang ginbasura niya nga burges-demokratiko nga mga dekorasyon sang nagahari nga sistema ginbalik sa idalum sang Konstitusyon sang 1987. Ang mga ini madasig subong nga nagakadula sa pasista nga areglo nga ginatukod ni Duterte.

Dapat mabaskog nga batuan kag tinguaon nga tapuson sang pumuluyong Pilipino ang paghari sang pasista nga terorismo. Dapat nila nga ipakigbato ang ila nga mga demokratiko nga kinamatarung kag isinggit ang katarungan. Lubos nga maghimakas para punggan ang plano ni Duterte nga palawigon ang iya nga paghari, kag iduso nga siya manabat sa tanan niya nga krimen.

"Lubos...," sundan sa pahina 3

# ANG Bayan

Tuig L No. 18 | Septyembre 21, 2019

Ang Ang Bayan ginabantala sa lengwahe nga Pilipino, Bisaya, Iloko, Hiligaynon, Waray kag Ingles. Nagabaton ang Ang Bayan sang mga kontribusyon sa forma sang mga artikulo kag balita. Ginabuyok man ang mga bumalasa nga magpaabot sang mga saway kag rekomenasyon sa ikauswag sang aton pahayagan.

 [instagram.com/prwcnewsroom](https://instagram.com/prwcnewsroom)  
 [@prwc\\_info](https://twitter.com/@prwc_info)  
 [cppinformationbureau@gmail.com](mailto:cppinformationbureau@gmail.com)

## Kaundan

Editoryal: Lubos nga batuan ang pasismo sg rehimeng Duterte	1
Kagamitan militar, nakumpiska sg BHB	1
Ginpasingki nga pagpigos sa mga imol	3
Atake sa mga imol sg Pandi	4
Peke nga mga palabas sg AFP	5
Kadete sg PMA, patay sa hazing	5
Pag-ilig sg dugo sa Bukidnon	6
Ika-70 tuig sg Rebolusyong China	7
Protestang bayan batuk sa diktadurya	8
Resolusyon para sa mga mangunguma	9
Protesta batuk sa pagpamigos	9
Untat-byah sa Venezuela	9
Atake sa Saudi Arabia	9

Ang Ang Bayan ginabantala duha ka beses kada bulan sang Komite Sentral sang Partido Komunista ng Pilipinas

Ilunsar ang wala sang kakapoy nga kahublagan propaganda sa kubay sang masa batuk sa pasista nga pagpangloko kag mga kabutigan ni Duterte. Pakamalauton ang paggamit ni Duterte sang absoluto nga gahum, ang iya pagtraidor sa pungsod kag korapsyon. Ibuyagyag ang kalokohan kag korapsyon sa likod sang mga peke nga "surender" kag deklarasyon nga "persona non grata."

Palaparon kag palig-unon ang mga demokratiko nga organisasyon sa kasyudaran kag kaumhan. Indi pagpabay-an nga mangin pasibo sa atubang sang pagpamahog. Aktibo nga papagsikon ang mga ini bilang armas para sa pagpangapin kag pagsulong sang interes sang masa. Likupon sang kaisog ang bug-os nga pungsod para isulong ang ila nga mga paghimakas sa pangabuhian, ang pagpangapin sa mga kinamatarung, kag ang mabudlay nga paghimakas batuk sa pasista nga tiraniya ni Duterte.

Padayon nga nagaululupod ang tanan nga demokratikong pwersa kag labing ginapalapad ang anti-

ang nalista nga kaswalti sa kubay sang militar. Ginsalakay man sang mga katapo sang BHB ang detatsment sa Sityo Kabangahan,

Barangay Hilamunan, Kabankalan City sang Hulyo 31, 2019. Indi magnubo sa tatlo ang kaswalti sa mga berdugo. AB

pasista nga nagahiliugyon nga prente batuk sa rehimeng Duterte. Nagatililipon ang mga pigos kag ginahimuslan, ang mga intelektwal kag propesyunal, mga akademiko, tawong-simbahan, mamumugon pangkultura, mga tawong-midya, kababainhan, pamatan-on kag ang anti-Duterte nga oposisyon nga politikal. Hingalitan ang ribalan sa kubay sang nagahari nga guban. Mangin muklat sa mga pagkambyo sang sitwasyon para ibwelo ang pagpukaw kag pagpahulag sa masa. Labi pa nga magtinguha agud tipunon ang ginatos ka libo kag milyon nga pumuluyo sa nagkalainlain nga forma kag patag sang pagbato para tapuson ang rehimeng US-Duterte.

Nagserbe nga pinakamalig-on nga balwarte sang antipasista nga pagbato ang Partido kag BHB batuk sa diktaduryang Marcos, nagsulong

sang kahublagang tago kag hayag, kag sang armado nga paghimakas, ginhatagan-inspirasyon kag ginpu-kaw ang pumuluyong Pilipino nga maghiliusa kag maghimakas para sa demokrasya. Naglab-ot sa putok-putukan ang pila ka tuig nga anti-pasista nga paghimakas sa pag-alsa sang minilyon nga Pilipino sang 1986 nga nagpapukan sa diktaduryang US-Marcos.

Ang Partido kag ang BHB giapon ang pinakamalig-on nga balwarte sang antipasista nga pagbato sang pumuluyong Pilipino. Dapat labi pa nga magpakalig-on ang tanan nga kadre kag katapo sang PKP kag Pulang hangaway sang BHB kag magpanday sa kaugalingon sa ideo-lohiya, pulitika kag organisasyon agud makapamuno kag magserbe nga ubod sang paghimakas batuk sa pasista nga rehimeng Duterte. AB

## Ginpasingki nga pagpigos sa mga imol sang Kamaynilaan

**S**a pinakauna nga pulong sang bag-o nga tukod nga National Capital Region Task Force to End Local Communist Armed Conflict (NCRTF-ELCAC) sang rehimeng Duterte sang Septyembre 10, wala sang basehan nga ginbahayag sang hepe sang pulisia sa rehiyon nga si Maj. Gen. Guillermo Eleazar nga pugad kuno sang armado nga rebolusyonaryo nga hublag ang Kamaynilaan, labi na ang mga syudad sang Caloocan, Malabon, Navotas kag Valenzuela (CAMANAVA).

Bisan pa wala man sang natabo nga armado nga inaway sa rehiyon, ginapagwa niya nga baseng masa kuno sang hublag ang malapad nga imol nga komunidad sa CAMANAVA. Daw ginapamilit niya nga kinahanglan ini nga butangan sang mas mdamo pa nga pwersa sang estado sa ngalan sang pagpabilin sang "kalinungan kag katawhayan". Apang maathag nga handum lang niya nga hatagan rason ang malaot nga kampanya kontra-insurhensya nga ngatuyo nga tapnaon ang demokrati-

ko nga pagbato sang mga residente para sa pabalay kag regular nga pangabuhian.

Imbis nga sabton ang demokratiko nga mga ginapangayo sang mga residente para sa disente nga pangabuhian, ginagamit sang rehimeng NCRTF-ELCAC para magsabwag sang pasista nga teror indi lang sa nasambit nga mga lugar kundi pati man sa iban pa nga bahin sang Metro Manila para kugmaton kag pahipuson ang mga imol.

Suno sa BAYAN Metro Manila,



madamo na nga residente kag aktibista sa CAMANAVA ang nagpahayag sang pagpangdasas sa ila sang mga pulis kag suldato halin sang tukuron ang NCRTF-ELCAC). Ginreport sang Defend the Defenders Network (DDN) nga subong ginapamuan ni Major Jeoffrey Braganza ang pagpangdasas kag pagpangkugmat sang mga pwersa sa mga katapo sang KADAMAY sa Caloocan.

Bilang sabat, ginpangunahan "Ginpasingki...," sundan sa pahina 4

*"Ginpasingki..." halin sa pahina 3*  
sang DDN ang protesta sang mga residente sang CAMANAVA sang Septyembre 18 sa Monumento Circle, Caloocan City para kundennahon ang nagasingki nga pagpamigos sa ila sang rehimens.

### Kahimtangan sang mga imol sa Metro Manila

Bantog ang Metro Manila bilang pinakagutok nga rehiyon sa bilog nga kalibutan. Sa abereyds, gintantya nga nagaginutok sa kada kilometro-kwadrado (km<sup>2</sup>) sini ang 19,988 katawo. Ang Maynila man ang pinakagutok nga syudad nga may 41,515 katawo/km<sup>2</sup>. Lakip man sa mga pinakagutok ang Caloocan (27,915/km<sup>2</sup>), Malabon (22,419/km<sup>2</sup>) kag Navotas (21,674/km<sup>2</sup>). Konsentrado sa mga lugar nga ini ang pinakamalapad nga imol nga mga komunidad sa pungsod.

Bangud sa tuman kadaku nga populasyon kag kakulang sang masarangan kag disente nga pabalay, naduso ang mga imol nga pamilya nga magtukod sang mga barung-barong kag magdukdok sa mga estero, higad-suba kag riles, eskinita

kag pati sa mga tambakan sang mga basura. Suno sa datus sang reaksyunaryong gubyerno sang 2014, nag-abot na sa 32% sang populasyon sa NCR (4.64 milyon residente) ang nagaantus sa mga komunidad nga ini, nga kadam-an wala sang maayo nga patubig, sanitasyon kag kuryente. Ginatantya nga magalabot na ini sa 36.3% ( 6.3 milyon residente) pag-abot sang 2020.

Kadam-an sa mga residente diri halin sa sahi nga malaproletaryado nga wala sang trabaho o regular nga pangabuhian. Sa pihak sang padayon nga paglapad sang ila nga mga komunidad, wala sang katumbas nga mga programa ang rehimens para sabton ang ila nga mga kinahanglanon kag nagapabilin nga gamay ang oportunidad sa pangabuhian.

### Krisis sa pabalay

Base sa konserbatibo nga tantya sang reaksyunaryo nga estado, nagalabot na sa 6.8 milyon ang imol nga mga pamilya sa bilog nga pungsod nga nagakinahanlan sang pabalay pag-abot sang 2022. Sa kabilugan, kinahanglan sang P3.4-trili-

yon badyet para sa konstruksyon sang mga ini.

Bisan pa man, nagapabulagbulag ang rehimens kag ginaproponeer nga magtigana lang sang P6.2-bilyon badyet sa bag-o nga tukod nga Department of Human Settlements and Urban Development

(DHSUD) para sa masunod nga tuig. Ang ahensya nga ini ang natalana nga magdumala sa mga programa pabalay sang rehimens. Ang alokasyon nga ini wala pa sa 1% sang kabilugan nga kinahanglanon nga badyet.

Samtang, nagtigana lang sang P3.2 bilyon sa National Housing Authority kag P1.3 bilyon sa Social Housing Finance Corporation nga natalana nga magtibang sa DHSUD.

Ang makaluluoy nga kahimtangan nga ini kag kadungan nga pagdalasa sang kaimulon kag pasista nga mga polisiya nga pareho sang layi nga TRAIN kag Oplan Tokhang sang rehimens ang naduso sa minilyon nga imol, indi lang sa Kamaynilaan kundi lakip man sa bilog nga pungsod nga maghimakas para sa ila nga mga kinamatarung. **AB**

## Padayon nga atake sa mga imol sang Pandi

**G**inlusob ang upisina sang Kalipunan ng Damayang Mahihirap (Kadamay) sang Septyembre 9 sa Barangay Mapulang Lupa, Pandi, Bulacan sang mga myembro sang grupo nga ginatawag ang kaugalingon bilang Pagkakaisa ng Mamayan tungo sa Kaayusan. Pagkatapos halughogon ang upisina, ginsunog sang grupo ang pila sa mga kagamitan sang Kadamay kag ginkawat ang iban pa lakin ang mga importante nga dokumento.

Ang grupo nga nagpangawat nagpakilala nga mga "maki-Duterte" kag "anti-Kadamay". Gintukod sang mga ahente sang gubyerno ang nasambit nga grupo kag nagdabok sa mga residente nga maghalin sa Kadamay. Nagapostura man ini nga awtoridad sa pagpanagtang sang mga "entry pass" gamit ang ngalan sang National Housing Authority. Sang matabo ang pagpangawat, gin-updan kag gwardyado pa sila sang mga suldato sang 48th IB kag mga pulis halin sa Malolos, Angat kag Pandi upod ang hepe sini nga ginkilala nga si Placido. Ara na sa komunidad ang mga suldato halin

pa sang Septyembre 4 kag nagapangpresur sang mga residente. Duha ka lider sang Kadamay, sanday Pat Tupaz ka Obet Luzaga, ginpaandaman nga pagapatyon.

Suno sa Kadamay, ang mga insidente nga ini kabahin sang kabilugan nga atake sang rehimens para bungkagon ang ila nga organisasyon kag palayason sila sa daan nga bakante nga pabalay nga ila gin-okupar sang 2017. Halin sadto, wala-tuo ang pagpanamad kag pagpangtamay ang ginahaboy sa Kadamay. Ginapasibangdan ang organisasyon bilang "prente sang komunista", ginapahog paagi sang pagpalupok

sang pusil, kag sang Mayo, iligal nga gindakop ang ila nga mga myembro.

Wala sang kinalain ang mga taktika nga gingamit sang rehimens sa Pandi sa madugo nga mga manobra sini sa Negros, Bukidnon, Davao kag iban pa nga lugar kon sa diin gingamit ang mga "anti-komunista nga grupo" nga indi lain sa mga paramilitar nga katuwang sang AFP kag PNP. Ginapagwa sini nga wala sang angut ang estado sa amo nga mga grupo, pero sa kamatuoran gintukod kag ginapondohan sini ang mga myembro.

Pati ang ila nga matarung nga panawagan para sa serbisyo nga tubig kag kuryente ginadingot sang mga nasambit nga ahensya. Kadungan sini ang pagpahulag sang rehimens sa mga bayaran nga *troll* sa

*"Padayon..." sundan sa pahina 5*

# Peke nga mga palagwaon sang AFP

Desperado nga nagpadihot sang mga palagwaon kag mag-imbento sang mga kabutigan ang Armed Forces of the Philippines (AFP) sining nagligad nga mga adlaw para pagwaon nga nagakapyerde na ang hublag. Ginagamit man nila ang mga ini para makakubra sang dambong halin sa programa nga E-CLIP sang rehimene. Lakip sa mga ini ang pagparada sa mga pwersa sang estado bilang mga katapo kuno sang Bagong Hukbong Bayan (BHB), kag mga peke nga engkwentro.

## Pekeng pagsurender

Mabaskog nga ginpakamalaut sang BHB-Negros ang ginpadihot sang 3rd ID nga pagsurender kuno sang may 310 katapo sang Revolutionary Proletarian Army-Alex Bongcayao Brigade (RPA-ABB) bit-bit ang ila nga mga armas sang Septyembre 8. Labaw nga kaladawan ang palagwaon nga ini bangud pagkatapos magsurender sang mga armas, gin pangakuan sila sang hambog nga si Duterte nga liwat armasan kag "hatagan sang tangke de gera" pagkatapos magpaidalom sa 45-adlaw nga paghanas bilang mga elemento sang Community Defense Unit. Maathag nga larawan ini sang kapitulasyon kag kolaborasyon.

Ang RPA-ABB notoryus nga kahimbon sang AFP sa pagpatuman sang kampanya nga kontra-insurhensya sa Negros kag Panay halin pa sang dekada 1990. Ang mga tropa sini mga armado nga mersenaryo nga

nadalahig sa mga krimen kag kontrapumuluyo nga aktibidad, kag ginasakdag kag ginaarmasan sang despotiko nga mga agalon nga mayduta kag kapitalista nga nagapang-agaw sa duta sang imol nga mga mangunguma. Pinakaulihi nga krimen nila ang masaker sa siyam ka mangunguma sa Sagay sang Oktubre 2018.

Nabuyagyag man ang palagwaon nga pagdakop sang PNP sa Pasig City sang Septyembre 7 sa sulrado nga si Joselito Novelo Naag nga ginpresentar bilang mataas nga upisyal sang BHB sa Bicol kag may patong nga P100,000 sa ulo; kag palagwaon nga pagsurender ni Jasmen Acevedo kag mga katapo sang iya nga grupo nga bandido sa 36th IB bilang mga katapo sang BHB sa Surigao del Sur sang Septyembre 4.

## Peke nga engkwentro

"Wala sang engkwentro nga natabo sa tunga sang BHB kag 79th

IB." Ini ang pahayag sang BHB-Negros pagkatapos ibalita sang 303rd IBde nga nakadakup kuno sila sang mga katapo sang BHB sa isa ka engkwentro sang Septyembre 17 sa Sityo Maitom, Old Poblacion, Escalante City, Negros Occidental.

Ang padihot nga ini desperado nga nagatuyo nga magpalapta sang pasista nga kahadlok subong nga bulan agud isabotahe ang pagdum-dum sang pumuluyo sa ika-34 nga tuig sang Escalante Massacre, kag pilit sila nga patambungan sa naga-katabo nga kontra-pumuluyo nga "peace summit" nga ginsanto sa parrehu nga adlaw. Gingamit sang 79th IB ang engkwentro para hatagan-rason ang operasyon kag pagtapna sa kinamatarung sang mga residente sang Sityo Maitom, Barangay Old Poblacion nga nagresulta sa pwersahan nga paghalin sang mga residente sang Septyembre 17.

Ginpanginwala man sang BHB-Eastern Visayas ang kuno engkwentro sa Barangay Olera, Calbayog City sang Agosto 23 nga ginkamatay ni 2Lt. Geroe Jade Nicor, Cpl. Joelito Canico kag duha pa nga tropa sang 43rd IB. Siling sini, ang matuod nga naka-engkwentro sang mga suldato amo ang mga armado nga maton sang meyor sang Calbayog City nga si Ronald Aquino. Dugang pa niya, wala sang yunit sang BHB sa nasabit nga lugar sadtong panahon nga ina. AB

"Padayon...," halin sa pahina 4

social media para insultuhon ang mga mamumugon kag mala-mamumugon sang Pandi. Sa pihak sang grabe nga pagpangpresyur sa ila nga pangabuhian, nag-inisyatiba ang Kadamay nga magpadalagan sang programa nga pangabuhian, ugaling lang ginapabudlayan sang mas mataas nga presyo sang kuryente kag tubig.

Gin-okupar sang Kadamay ang bakante nga mga pabalay pagkatapos ang pila ka napaslawan nga pagpakigdayalog sa gubyerno nga sabton ang ila nga kinamatarung sa pabalay. Sining ulihi, bisan ang mga myembro sang grupo nga nangawat nag-okupar man sang bakante nga mga pabalay gamit ang ngalan sang Kadamay. Pamatuod ini sang kalaon sang kawad-on sang pabalay para sa mga imol.

AB

## Kadete sang PMA, patay sa hazing

SANG SEPTYEMBRE 18, ginreport nga napatay bangud sa gin-agum nga pagpangbakol sa hazing ang isa ka kadete sang Philippine Military Academy (PMA) nga si Darwin Dormitorio, 20, halin sa Cagayan de Oro. Suno sa awtopsy, naguba ang kasudlan sang biktima kag posible ginkuryente.

Ginpaidalom man sa imbestigasyon ang pila ka upisyal sang PMA bangud sa tuyo nga pagtabon sa tunay nga kabangdanon sang pagkamatay sang biktima. Una nga ginpagwa sang PMA nga *urinary tract infection* ang gintunaan sang pagsuluka sang biktima nga sang ulihi ginkamatay niya. Ara sa kostudiya gihapon sang PMA ang tatlo nga kadete nga ginadudahan nanguna sa hazing.

Ang hazing isa ka pasistang tradisyon sa PMA kon sa diin pisikal kag mental nga ginatortyur ang bag-o nga mga kadete bilang paghanda kuno sa kabudlayan nga mahimo nila maagan sa panahon nga sila mangin lubos nga mga suldato. Ginbase ini sa "initiation ritual" sang United States Military Academy West Point. AB

# Nagapadayon nga pag-ilig sang dugo sa Bukidnon

D uha ka magkasunod nga pagpatay sa mga aktibista nga mangunguma ang nalista sa Bukidnon sining nagligad nga mga semana.

Gintiro kag napatay sang indi kilala nga mga suspek si Leonides Bacong, kilala nga lider sang KASAMA-Bukidnon, sa atubang sang iya balay sa Barangay Little Baguio, San Fernando, Bukidnon sang Septyembre 11.

Gintiro kag napatay man sang ginasuspectsahan nga mga elemento sang 88th IB si Angelito Marivao, katapo sang pareho nga organisa-syon sa Barangay Mabuhay sa pareho nga banwa. Si Marivao ang ika-16 na nga biktima sa pangpulitika nga pagpamatay sa Bukidnon subong nga tuig.

Aktibo nga ginapamatukan sang KASAMA-Bukidnon ang pagsulod sang mga kumpanya nga mina sa Pantaron Range.

Sa Isabela, ginpatay man sang indi-kilala nga mga suspek si Sammy Pahayon, organisador sang komunidad, sa sulod sang iya nga balay sa San Mariano, Isabela sang Septyembre 11.

## Iligal nga pag-aresto kag detensyon

Gindakop sang Septyembre 18 sang PNP San Pedro si Antonieta Setias-Dizon, anay upisyal sang Overseas Workers Welfare Administration kag isa sa pinakamadugay nga organisador sang Confederation for Unity, Recognition and Advancement of Government Employees (COURAGE) sa iya balay sa San Pedro, Laguna. Gin-aresto siya base sa gintanom nga ebidensya nga pusil, eksplosibo kag subersibo nga mga dokumento. Ginbutangbutangan man siya nga imbolbado sa kaso sang pagpatay sa Bayugan, Agusan del Sur. Subong nakadetine siya sa istasyon sang pulis sa San Pedro.

Una nga nakaagi sang pagpang-dahas si Dizon sang 2015 kag naduso nga magsangtwayo kag magpasaka sang *writ of amparo* kag habe-

as data bangud sa mga pamahog sa iya kahilwayan kag kabuhi.

Sa Quezon, gindakop kag pilit nga ginpapirma bilang nagsurender nga katapo sang Bagong Hukbong Bayan (BHB) si Alexandria Pacalda, aktibista sa tawhanon nga kinamaratarung kag anay katapo sang College Editors Guild of the Philippines, sang mga elemento sang 85th IB sang Septyembre 14. Gindetiner siya sang halos 30 oras sa kampo-militar sa Barangay San Miguel Dao, Lopez antes ipasa sa kustodiya sang pulisia. Gintamnan siya sang mga suldado sang .38 kalibreng pistola kag mga bala, kag ginpagwa ginsurender kuno niya ang mga ini.

Mabaskog nga gin panginwala ni Pacalda ang pahayag sang militar kag pulisia nga boluntaryo siya nga magsurender. Siling nya, samtang ara sa detensyon gindingutan siya sang pagkaon kag tulog, kag gindumilian nga magkuha sang kaugalingon niya nga abugado.

Sa Negros Occidental, siyam nga katapo sang Teatro Obrero kag National Federation of Sugar Workers ang iligal nga gin-aresto sa Escalante City sang Septyembre 18. Gintamnan ang ginasakyang nila nga dyip sang .38 kag .9mm kalibre nga mga pistola kag mga botelya nga himuong kuno nga mga eksplosibo. Ginkumpiska man ang ila nga mga selpon.

Sang Septyembre 11, gindakop man sa Sityo Pisok, Barangay Buenavista, Himamaylan City sang mga pulis si Joel Casusa, pangulo sang Kauswagan sang Mangunguma. Ginalukasan siya nga katapo sang BHB kag ginpasakaan sang himu-himo nga kaso nga napaslawan nga pagpatay.

## Pagdukot

Gindukot sang mga elemento sang 20th IB si Argentina Madeja sang Septyembre 13 sa Barangay Burabod, Gamay, Northern Samar.



Wala pa gihapon siya nakita kag ginapatihan gindetener sa malapit nga detatsment sa Barangay Gui-buangan. Isa ka semana antes sini, gindukot man ang mangunguma nga si Nario Lagrimas, residente sang Barangay E. Duran, Bobon.

## Pagpangdasas

Bilang kabahin sang kampanya nga saywar sang Armed Forces of the Philippines (AFP), naglunsar ini sang "awareness drive" sa nagkalinain nga unibersidad sa bilog nga pungsod sining nagligad nga mga semana. Lakip sa ila nga ginbisita ang Bicol University, University of San Carlos sa Cebu kag Don Honorio Ventura State University sa Pampanga. Sa mga porum nga ini malisyoso nga ginaangut sang militar ang mga progresibo nga organisasyon sang mga kabataan-estudyante sa rebo-lusyonaryo nga hublag.

Samtang, ginapahog man sang isa ka pulis si Noe Santillan, professor sa University of the Philippines-Cebu kag bise-presidente sang All UP-Academic Employees Union, bangud lang sa pagsuksok sang Mao's cap (pula nga kalo nga may pula nga bituon sa tunga).

## Militarisasyon kag pagpabakwit

Nagbakwit ang 93 pamilya halin sa Barangay Roxas, Lope de Vega, Northern Samar sang Septyembre 20 bunga sang pagpanalakay sang mga tropa sang 43rd IB sa ila nga baryo. Pilit nga gin-ukay sang mga berdugo ang mga kabalyan, gin-pahog kag ginpresur ang mga residente.

Sang 2018, nagbakwit man ang mga residente dala sang masingki nga militarisasyon sa ila nga komunidad. AB

# Pagdumdom sa ika-70 tuig sang Rebolusyong China

**N**agakadapat nga dumdumon kag saulugon sang Partido kag rebolusyonaryong kahublagan sa Pilipinas ang ika-70 tuig sang pagtukod sang People's Republic of China (PRC) sa maabot nga Oktubre 1.

Ang pagkatukod sang demokratico nga republika kadalag-an sang demokratiko nga rebolusyonaryo Chinese, isa ka rebolusyon nga ginkuhaan sang inspirasyon kag estratehiko nga mga leksyon sang demokratikong rebolusyon sa Pilipinas. Ang pagpundar sang sosyalismo sa China sadtong 1949 tubtub 1977 amo ang isa sa pinakabulawanon nga kadalag-an sang internasyunal nga proletaryo. Ginbun-ag sini ang ikaduha nga serye sang demokratiko kag sosyalista nga mga rebolusyon sa bilog nga kalibutan kag nagsignal sang ikaduha nga pangkabilugan nga krisis sang imperyalismo.

Sa pagtukod sang PRC, napaidalum ang halos sangkatlo nga pumuluyo sa bilog nga kalibutan, upod ang ara sadto sa Union of Soviet Socialist Republics (USSR), sa abante kag progresibong sistema sang sosyalismo sa nasambit nga panahon.

Gindeklarar ni Mao Zedong, sadto tagapangulo sang Partido Komunista sang China, sa Tiananmen Square sa Beijing ang pagtukod sang PRC. Umpisa ini sang sosyalista nga rebolusyon kag konstruksyon nga naglawig sang halos tatlo ka dekada. Sa masunod nga mga tuig, ginlubos sini ang demokratisasyon sang China. Gintukod sini ang demokratikong gubyerno sang banwa, kon sa diin tanan nga demokratikong sektor - mamumugon, mangunguma, petiburgesya kag pungsodnon nga burgesya—ginhugpong kag ginpahulag para tukuron ang isa ka hilway nga katilingban.

Gintukod sa China sa tanan nga lebel ang mga kongreso sang pumuluyo kag mga kumperensya nga konsultatibo para maglambo kag mag-i-lig ang buhi kag tunay nga demokrasya. Diri, bug-os nga ginaangkon sang masang anakbalhas ang kahil-wayan kag benepisyo sang bag-o

nga sistema, kon sa diin nangibaw ang gahum sang ila sahi kag ipit ang anay mapiguson kag mapanghimulos nga gahum sang mga daku nga burgesya kag agalon nga mayduta.

Sa idalum sang Partido Komunista, ginlubos ang reforma sa duta sa sulod lang sang 10 tuig, kag gin-hilway ang gatos-milyon nga mangunguma sa pyudal kag malapyudal nga pagpanghimulos. Ginpataas sini ang produktibidad sang duta kag sektor sang agrikultura, kag nagbunga sang pag-uswag sang mga basehang industriya. Ginduso sini ang pagtukod sang mabug-at nga industriya, base sa pag-uswag sang agrikultura kag pag-uswag sang industriya nga mamag-an.

Gintransporma sini ang agrikultura sa paagi sang kolektibisasyon sang duta, mekanisasyon sang produksyon kag pagtukod sang mga pabrika sang pagkaon kag iban pang produktong pangkonsumo. Madasig ang nangin pag-uswag sang produksyon kag pagdamu sang mga produkto nga bastante nga nakasabat sa basehan nga kinahanglanon sang pumuluyong Chinese pareho sang pagkaon, beste, pabalay kag iban pa. Ginaangkon sang minilyun-milyon ang pagtaas sang lebel sang pangabuhian kag labing napauswag ang ila pangkabilugan nga kahimtangan.

Huluhalintang nga ginpauswag ang ekonomya sa sistematiko kag gingtingub nga paagi sa mga plano nga may lima-ka-tuig ang kalabaon. Gintukod ang mga karsada kag tulay, gamit ang kusog sang minilyun-milyon nga mamumugon, para itransporma ang China halin sa isa ka pyudal kag atrasado nga pungsod pakadto sa isa ka moderno kag demokratiko nga katilingban.

Sa tunga sini, ginpanawagan ni Chairman Mao sa pumuluyo kag

proletaryong Chinese ang pagpadayon sang rebolusyonaryo nga paghimakas batuk sa mga elemento sang burgesya sa sulod mismo sang Partido Komunista nga walay untat sa pagtuyo nga idiskaril ang pagsulong sang sosyalismo sa China kag ibutang ang pungsod sa dalan sang kapitalista nga pagpanumbalik. Ginpahulag sini ang pumuluyo, labi na ang pamatan-on nga Chinese, sang 1966 tubtub 1976, sa isa ka rebolusyon pangkultura, batuk sa mga pagtuyo nga ini. Ang praktika nga ini ang nagbun-ag sang teorya sang nagapadayon nga rebolusyon sa idalum sang diktadurya sang proletaryo para ikonsolida ang sosyalismo. Ini ang isa sa pinakamalahon nga kontribusyon ni Mao sa pag-uswag sang teorya kag praktika sang proletaryo.

Sa sulod sang napulo ka tuig, natigayon sang proletaryong Chinese nga pungan ang pagpanumbalik sang burgesya sa gahum. Ugaling, nalutos ang proletaryo sa pag-agaw ni Deng Xiaoping kag iya hubon sa kagamhanan sang estado kag pamunuan sang Partido Komunista sang 1977. Ginguba ang demokratikong gahum sang mga mamumugon kag mangunguma kag ginhatagan sang bag-o nga gahum ang mga upisyal, mga manedyer kag kapitalista nga magdesisyon babin sa produksyon, pamuhunan, pag-baligya, pag-empleyo kag iban pang mga halambalanon sa ekonomya.

Sa pagpalapnag sang "maki-merkado" nga mga reforma sang 1978, pila ka panahon lang pagkatasos mapatay si Chairman Mao, amat-amat nga nabaliskad kag nabawi ang mga kadalag-an sang pumuluyo nga Chinese. Gin-angut ang ekonomya sang China sa pangkalibutanon nga sistemang kapitalista paagi sang pagtukod sang mga espesyal nga mga sona pang-ekonomya sa apat ka higad-baybay nga banwa, kag sa ulihi sa kaingod pa

"Pagdumdom...," sundan sa pahina 8

## Protestang bayan batuk sa diktadurya, ginlunsar

NAGPROTESTA ANG LINIBO NGA pumuluyo sa nagkalainlain nga parte sang pungsod sang Septyembre 20 bilang pagdumdom sa ika-47 tuig sang deklarasyon sang layi militar sang diktador nga si Ferdinand Marcos. Sa pagpanguna sang mga pamatan-on, mabaskog nga ginkundenar sang mga nagprotesta ang tiraniya kag tuyo nga magtukod sang isa ka diktadurya sang rehimeng Duterte.

Sa Maynila, linibo ang nag-martsa halin sa Mendiola padulong Luneta Park kon sa diin ginlunsar ang mayor nga bahin sang programa. Nagtambong sa paghulag ang nagkalainlain nga sektor bitbit ang ila panawagan batuk sa pagpamigos sang rehimen. Pangunahan nila nga ginkundenar ang malaparan nga pagbansag sini sa mga estudyante, mamahayag, mangunguma kag iban pa bilang komunista. Ginpakamalaut man nila ang nagasingki nga presensya sang militar sa mga kampus kag komunidad.

"*Pagdumdom...*," halin sa pahina 7 nga mga banwa. Gin-engganyo niya ang pagsulod sang dumuluong nga kapital tubtub sa mga interyor nga banwa paagi sa tuman kanubo nga pasweldo sa mga mumumugon nga Chinese. Nagresulta ini sa pagkaguba sang sistema nga komunal nga produksyon, kag malaparan nga kumbersyon sang dutang agrikultural padulong sa mga industriyal nga engklabo nga nakatum-ok sa eksport. Gingamit sang mga kapitalista nga Chinese ang mga dalan, pantalan, erport, pabrika kag komunidad sang mga mamumugon nga gintukod sa panahon sang sosyalista nga konstruksyon para sa ila pri-bado nga akumulasyon sang tubo.

Ginsunod sang China ang kapitalista nga dalan nga paltik nga gintawag ni Deng nga "sosyalismo nga may kinaiya nga Chinese" kag gin-hagmok ang katilingban sa mga krisis nga duna sa sistema nga ini. Nangibabaw ang gahum sang mga monopolyo nga burukrata kapitalista kag ang kasosyo nila nga mga monopolyo kapitalista nga lokal kag dumuluong. Natapos ang pila ka dekada nga walay tupong nga paglapad sang ekonomya bunga sang li-

Nagpasakup man sa paghulag ang may 400 mangunguma kag aktibista sa pagpanguna sang Bayan-Bicol. Ginkundenar sang grupo ang pagpatuman sang Memorandum Order (MO) 32 kag Executive 70 nga nag-institusyunalisa sa "whole of nation approach" sang rehimen nga epektibong nagpaidalum sa pungsod sa indi-deklarado nga layi militar. Nagaresulta ini sang wala untat nga paglapas sa tawhanon nga kinamarung kag paglala sang krisis sa pangabuhian.

Ginpamilit ni Raoul Manuel sang

beralisasyon sang kapital, serbisyo kag balaligyaan, lapnagon nga kumbersyon sang duta, wala tupong nga pagpuga sang ganansa sa kaugalingon sini nga mga mamumugon, ispekulasyon sa kapital kag sa *real estate*.

Ginabilang na subong nga ika-duha nga pinakadaku nga ekonomya ang China kag ginatantya nga mabawang ekonomya sang US sa maabot nga mga tuig. Bisan pa man, nahagmak subong ang ekonomya sang China sa krisis sang sobra nga produksyon, labi na sa asero, cemento, mga kagamitan elektroniko kag iban pa. Halin 2018, nagluya na ang lokal nga produksyon sini makaligad ang masobra isa ka dekada nga tantos.

Ang China subong isa ka daku nga imperyalista nga pungsod. Ang China na ang pinakadaku nga naga-eksport sang sobrang produkto kag sobrang kapital sa bug-os nga kalibutan. Sang 2007, gintukod sini ang China Investment Corporation nga may \$200-bilyon nga kapital (pinakadaku nga kumpanya sa pamuhunan sa kalibutan). Gintukod man sang China ang Asian Infrastructure Investment Bank (AIIB) kag ang bangko sang

Youth Act Now against Tyranny nga indi na dapat pa nga magbalik ang kahadlok sang diktadurya sa pungsod.

Nagtambong man kag naghiliusa sa protesta ang nagkalainlain nga grupo nga katagu sang United People's Coalition. Mabaskog nila nga ginkundenar ang paglighot kag pagpamatay sa mga relihiyoso, mamumugon kag tagasakdag sang tawhanon nga kinamarung bangud lang sa ila pangpulitika nga panindugan kag pagpahayag sang disgusto sa mga polisiya ni Duterte.

Samtang, naglunsar man sang separado nga protesta sa nagkalainlain nga sentrong banwa sa bilog nga pungsod lakip ang Los Banos, Baguio, Angeles, Tarlac, Cebu, Iloilo kag Davao City.

AB

BRICS (Brazil, Russia, India, China kag South Africa) agud pailigon ang pag-eksport sang kapital.

Isa sa daku nga ginapondohan sang China ang Belt and Road Initiative (kilala man bilang One Belt, One Road), ang proyektong pang-imprastrukturna nga magasugpon sang mga pungsod sa Asia, Europe kag Africa sa China. Tuyo sang China nga higupon diri ang sobra-sobra nga kapital kag mga produkto sang China. Kon mahim-os, pagabaguhon sini ang konduktang balaligyaan kag produksyon sa tatlo ka daku nga rehiyon, kag ibutang ang China bilang sentro.

Sa atubang sang pangkalibutanon nga krisis sang kapitalismo, ginaduso sang China ang bag-o nga imperyalistang pagtulunga sa kalibutan. Ginahangkat sini ang dominasyon sang US kag nagadamgo nga mangin isa man ka solo nga magahari sa pagatukuron nga bag-o nga internasyunal nga areglo. Ginaduso sini subong ang "reforma sa sistema sang pangkalibutanon nga pagdumalahan" nga anay solo nga ginatakdang US.

*Padayunon sa masunod nga isyu...*

AB

## **Resolusyon para sa mga mangunguma sang humay**

BILANG SABAT SA nagalala nga krisis sa bugas, nagpasaka sang resolusyon ang 53 kongresista sa pagpanguna sang Makabayan Bloc sang Septyembre 19 sa Kongreso agud dugangan sang ₱15 bilyon ang badyet sang National Food Authority (NFA). Pagagamiton ini para sa pagbakal sang 750,000 metrikotonelada (MT) nga humay halin sa mga lokal nga mangunguma sa kantidad nga ₱20/kilo. Gin-insister nila nga labaw nga kulang ang ginproponer nga ₱7-bilyon nga alokasyon sang rehimene para sa pagbakal sang humay. Siling nila, makabakal lang sang 350,000 MT humay ang kantidad nga ini.

Para makatuwang ang sektor sa atubang sang pagpanghalit sang Rice Liberalization Law, ginproponer man nila sa resolusyon nga ibaligya ang bugas sang NFA sa kantidad nga ₱27/kilo.

### **Protesta batuk sa pagpamigos**

ISA KA “ROGUE GALLERY” o koleksyon sang larawan sang mga nagapanguna nga suspek sa mga paglapas sa tawhanon nga kinamatarung ang ginpaskil sang mga nagprotesta nga aktibista sa hedkwarter sang Commission on Human Rights (CHR) sang Septyembre 12. Gindungan ang paghulag sa pagbista sang CHR bahin sa mga atake sang estado sa mga pumuluyo.

Nagtambong sa nasambit nga pagbista ang mga upisyal sang AFP kag PNP. Para hatagan sang rason ang ila nga mga krimen, bisan diri hayagan nila nga ginabansagan ang mga progresibo nga grupo bilang ligal nga prente sang Partido Komunista sang Pilipinas (PKP) kag Bagong Hukbong Bayan (BHB).

Suno kay Roneo Clamor sang Karapatan, ang pagpalapnag sang malisyoso nga propaganda sang AFP kabahin sang kampanya sang National Task Force to End Local Communist Insurgency. Padayon sila nga nagapalapnag sang dis-impormasyon para ibutang sa katalagman ang kabuhi kag pangabuhian sang mga tagapangapin sang tawhanon nga kinamatarung, aktibista, mangunguma, abugado kag iban pa.

## **Untat-byahe sa Venezuela**

SA PAGPANGUNA SANG PISTON, ginkasa sang may 500 tsuper sa Venezuela City ang ila nga untat-byahe batuk sa programa nga “no contact apprehension” sang lokal nga gubyerno sang Septyembre 16. Katuyuan sang polisiya nga pattaason ang multa sa mga paglapas sang layi trapiko halin sa sadto minimum nga ₱150 para sa una nga paglapas pakadto sa ₱1,000 tubtob ₱3,000.

Ginduso sang mga tsuper nga sobra ka taas ang kantidad nga ini sa ikasarng sang mga drayber, opereytor, kag bisan ang motorista. Ginpakkamalaut man nila ang lokal nga gubyerno sa pagpatuman sang ordinansa nga wala man lang maghimo sang pangpubliko nga konsultasyon. Panawagan nila nga panubuon ang minimum pakadto sa ₱500. Imbis nga sabton ang ila nga ginapangayo, nagpamahog ang meyor sang Venezuela nga si Rex Gatchalian nga kasuhan ang nag-entra sa untat-byahe bangud kuno “paglapas” ini sa ila nga prangkisa.

Sa Bacolod City, duha ka oras nga nag-untat byahe kag nagprotesta ang mga tsuper sang Septyembre 11 para pamatukan ang eksperimento nga 45-60 adlaw nga pagbag-o sang ila nga mga ruta. Ginreklamo nila nga wala na sila nagakita bangud sa kalyuon nga kinahanglan nila nga libuton.

Nagapanawagan man ang PISTON, Stop and GO kag Alliance of Concerned Transport Organizations sang malaparan nga untat-byahe sa Septyembre 30 para pamatukan ang nagahana nga pagkuha sang mga dyip sa kalsada sa tabon sang “jeepney modernization program.”

## **Atake sa Saudi Arabia, ginarason sang US para ipresyur ang Iran**

GINARASON SANG imperyalismo nga US ang serye sang mga atake sa higante nga mga planta kag pasilidad sa pagproseso sang langis sa Abqaiq kag Kharais, Saudi Arabia sang Septyembre 14 para padayon nga ipresyur ang Iran.

Bisan gilayon nga gin-ako sang mga milisya nga Houthi, isa ka anti-imperialista nga hublag sang mga minorya sa Yemen nga sila ang nagpalupad sang mga misayl sa mga planta, pilit pa gihapon nga ginapagwa ni US Secretary of State Michael Pompeo nga ang Iran ang ara sa likod sang pagpang-atake nga ginbansagan niya nga “akto sang gera”. Suno sa mga Houthi, sabat ang operasyon nga pagpanabotahe sa nagapadayon nga agresyon kag pagpasilabot sang Saudi Arabia sa Yemen.

Bilang balos, nagpaandam ang

pangulo sang US nga si Donald Trump nga magadeploy sang du-gang nga mga tropa sang militar kag magapanaog sang bag-o kag mas mabug-at nga sangsyon sa Iran para piagon ang ekonomya sini, lakip ang industriya sini sa langis. Mabaskog man nga ginapanginwala sang Iran ang mga akusasyon kag ginpakamalaot ang mga tikang sini. Gin-insister sang hepe sang Foreign Ministry sang Iran nga si Mohammad Javad Zarif nga “iligal kag indi makatawo” ang mga paandam nga ini bangud wala sang patugsiling sini nga ginaatake ang

mga ordinaryo nga mga pumuluyo sang Iran.

Ang Saudi Arabia, nga may pinakadaku nga reserba sang langis sa bilog nga kalibutan, isa sa pinakamalapit nga alyado sang US sa Middle East kag ginabaklan sini sang nagalab-ot sa 10 milyon ka bariles sang langis kada adlaw. Ang naguba nga mga planta nagaprodyus sang nagalab-ot sa 5.7 milyon bariles sang langis kada adlaw o katumbas sang 5% sang pangkalibutanon nga suplay. Bangud sa pagpang-atake, nareport nga nagtimbuok sang 14% pakadto sa \$62.90 kada bariles ang abereyds nga presyo sang langis sa pangkalibutanon nga balaligyaan. Ini na ang pinakamataas nga presyo nga nalista halin 1988. AB